

«es kann guat si» Adelina Filli

1. es könnti si,
dass d'Schiff und d'Frachter
in nögschter Ziit i da Hääfa
brach liggat

es kann aber au si
dass Fisch und Delfin und anderi
Meeresbewohner
endlich, ihren natürlicha
Läbansruum zrugghola könnt

Delfin werdet in Hääfa gsichtet,
d'Fisch schwimmed wieder i da
Kanäl

2. es könnti si,
dass d'Menscha sich dur
d'lischränkiga iigsperrt fühled

es kann aber au si
dass sie endlich wieder singet,
sich gegasiitig helfed,
sich uf da Stross grüassed
wells wieder luagat
und as Gefühl vo(nera)
Gmeinschaft, erläbet

d'Menscha singet mitanand,
d'Fenster sind offa

3. es könnti si,
dass dia jetziga Begränziga im
Läba in viilerlai Hinsicht d'Freihait
beraubt

es kann aber au si,
dass d'Erda ufschnuoft
da Himmel an
Farbapracht gwünnt
und d'Menscha sich Ziit nämed
d'Natur wieder wohrzneh

luag dr da Himmel a,
loos da Vögel zua

4. es könnti si,
dass d'Schlüüsiga vo Gschäfte
und Schuala an uuu grossi
Usafordrig sind

es kann-aber au,si,
dass miar verborgen Talent und
ungahnti ,
Möglichkaita entdeckt kreativ
z'si

miar hend Ziit, alles uf nara neua
Ebeni wohrzneh...

5. es könnti si,
dass d'Wirtschaft
grossa Schada nimmt

es kann aber au si,
dass miar wieder merked was
würkli zellt im Menschaläba
und dass das ständige
Wirtschaftswachstum
an absurdi Idee wo üsera
Gsellschaft isch

es isch Ziit, zum gschpüüra was
mer würkli bruched

6. es könnti si,
dass dich das uf irgend an Art und
Wiis beängstigt

es kann aber au si,
dass du gschpüüsch,
dass dia Krisa,
a Chance isch, für an Wandel
wo längst fällig isch

wo d'Erda uufschnuufa loht
wo da Menscha wahri Wert zaig

da Müll jeder Art reduziert

und d'Erda üs zaigt, wia schnell si
vergit, wenn miar **Menscha**
achtsam sind und rücksichtsvoll -
so dass alles Läba Luft hätt

Miar werdert wachgrüttlet
well mer's
versuumt händ
würkli öppis z'tua

es isch **dia** Chance
für a neus Mittanand

drum bitte, lönd's doch zua!

es ka guat sii,
dass es guat isch
für d'Zuakunft
vo da Menscha

hmhhh

Text und Komposition
Adelina Filli, Rorschach
www.adelinafilli.ch

Adelina Filli: Gesang & Kontrabass
Manfred Federer: Piano

Bild & Ton
Tibor Lörincz
Gate Productions, St. Gallen
www.gateproductions.ch

Text inspiriert durch Worte
von Tanja Draxler (A)
»es könnte sein«
www.tanjadraxler.com